

Monday, July 7, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

PU LALDENGGA

Vawiin hi MNF Founder President Pu Laldenga thih champha vawi 35 na a ni a. MNF party chuan tukin dar 7 khan Aizawl Treasury Square a Pu Laldenga thlanah amah sunna leh zahna lantirin hun an hmang.

He hunah hian MNF President Pu Zoramthanga chuan thusawiin Pu Laldenga chu Mizote lungphum pawimawh ber te zinga mi ani a ti a, India ram mai ni lo khawvela Mizo hnamte pholangtu ani tiin thangthar zelte thinlungah Hnam thinlung (Nationalism) a tuh a ti a. Sawisela ngaihneep tum awm thin mahse thalaite finna a sang tulh tulh a, Pu Denga hlutna an hrechiang chho zel tih sawiin Mizo hnam leh Mizoram a awm chhung chu Pu Laldenga hming a daih tawh loh tur thu a sawi a ni.

Byte : Pu Zoramthanga

Pu Laldenga hi kum 1927 July 11 khan Lunglei Pukpui khuaah a lo piang a, kum 1944-ah British Indian Army zawmin Kum 1959-ah Mizo National Famine Front chu a hova din niin, chu pawl chu October 22, 1961-ah Mizo National Front (MNF) tiin thlak a ni.

Kum 1966 March ni 1 ah zalenna sual tanin, Thalai rual tam tak te nen kum 20 chhung zalenna an sual hnuin mizo mipui, kohhran leh tlawngai pawl, zirlai pawl leh political party hrang hrangte ngenna avangin, June 30, 1986 ah India sorkar nen Remna Thuthlung an ziaak fel a, state puitling nih hnua Mizoram Chief Minister hmasa ber a ni.

Kum 1990 khan Memorial Sloan Kettering Cancer Centre New York, USA ah thla 3 a awm hnuah kum 1990 July ni 7 a thi a, Aizawla lak niin July ni 13 ah State Funeral pein sawrkar chawimawina famkim nen vuiliam a ni.



MSU PROTEST

Mizo Students' Union (MSU), General Headquarters chuan Mizoram Sawkarin Unqualified Part Time Assistant Professor te Contract a pawhsei sak duhlohna lantir nan vawiin khan "Quality Education Humhalhna Kawng Zawh" an huaihawt.

Kawngzawh hi vawiin chawhma dar 11 atang khan Vanapa Hall atanga Higher & Technical Education Directorate Office kawt thleng neih a ni a, he hunah hian college hrang hranga zirlai rualte an tel a, "Unqualified Assistant Professor sorkarin a rawih luih te hi kan duh lo" tih leh "Tling lo taka zirtirtu hna thawktute hi bang rawh se" tiin an au rual a ni.

Protest SFX

He huna thusawitu zinga mi, MSU Vice President - Roluahpuia chuan lungawi lohna lantir chu an tum ber a ni lova, dawhkana sawifel mai theih a ni tih sawiin, thuneitute hnenah vawi engemawzat an thlen hnuah pawh awmzia a awm loh avangin lungawi lohna an lantir tih a sawi a. Kumin February ni 28-a pawhsei sak tawh lo tura sorkarin order a chhuah tawh sut leh tu chu sorkar tho a ni tih sawiin, sorkarin kum 1 atan a pawhsei sak qualify lo te chu zirlaite zirtirtu atan an duh lo a ti a. Zirna in sang bera Assistant Professor ni tur chuan Minimum qualification ah NET a ni a, kum 1 ah NET vawi hnih exam a awm a, MA pass him te pawhin an paltlang theih paltlang theilo te chu chhawr tlaka an ngaihloh thu an sawi a ni.

MSU Vice President chuan Kalphung thar tih au hla hmanga inthlan dawna in zuar te chuan kalphung hlui ang bawkin a tha lo tih hre reng si a, rawih nawn tura ruahmanna an siam chu anmahni inzawt let turin an duh tih a sawi a. Ram leh hnam an hmangaih a nih chuan zirlaite zirtirtu atan a tling ngei te ruai turin an phut tih an sawi bawk.

Directorate Office kawta zirlaite punkhawm lai hian MSU hruaitute chuan Higher & Technical Education Director an kawm a, sorkar chuan tun thla July ni 3 khan heng zirtirtute hnenah hian tun thla July ni 18 thleng insawifiahna hun, show-cause notice an pe a, hemi hnu file kal hun ni 5 dang an nghak leh phawt dawn tih sawiin, Resolution lungrual takin an pass na ah sawrkar chu an thutiamah ding tura an duh bakah tun hnua Zirtirtu hnalak ah Qualified teachers te chauh lak thin ni tawh se an ti a ni.



MHIP DAY

Kumin MHIP Day chu Pathian Ni anih avangin vawiin khan MHIP Branch thenkhat chuan lawmna hun an buatsaih a, Branch tam zawk chuan inrinni khan lawmna hun anlo buatsaih tawh a ni.

AMC Executive Corporator Pi B. Lalawmpuii chuan MHIP Chhinga Veng Branch te MHIP day hmanpuiin MHIP member te chu chhungkua, ram leh hnam tana hmeichhe tih tur leh mawhphurhna te hre thar leh turin a chah a, ruihhlo hluar zel leh ruihlo-in a tihbuaite chhan chhuak tur leh tuam dam turin chhungkaw nu an pawimawh tih sawiin Hmeichhe tha chuan chhungkaw tha a siam thin tih a sawi.

Vawiin vek khan AMC Ward III Corporator Pi C. Lalhhandami chuan Kanan Multipurpose Community hall-ah MHIP Day hmanpuiin Hmeichhiate chu hnam himna an ni a ti a, Hmeichhia leh Naupang ngaih pawimawhna ram apiang ram changkang an ni tih sawiin nau awm nana Nu ten social media an hmang thang lutuk chu thalo atih thu sawiin mahni in awmpui tam turin a duh tih a sawi bawk.

Tun dinhmunah MHIP hian Sub-hqrs 10, Block-30, Joint-7 leh Branch 766 an nei a. Member hi nuai 3 chuang an awm mek a, Kum 2023-2025 chhung atana kumpuan 'Dikna leh Rinawmna Chawinun' tih a nih angin Day lawmna-ah pawh hian he thupui hmang hian thu an sawi bawk a ni.



PM MODI

Prime Minister Narendra Modi chuan Rio de Janeiro a BRICS Summits neih ah thu sawiin leilung hausakna leh thiamna hrang hrang pawimawhna ngaihpawimawh a ngai a ni a ti.

Pu Modi chuan sum leh pai lam a hmasawнна leh BRICS New Development Bank project a hlawkna ngaihpawimawh a tul thu sawiin Aritificial Intelligence chu ram hmansawнна turin hman thiam a pawimawh thu a sawi a ni.

